

Halvaa topata luntreijaukset ikkääntyviä vasthaan
”Sitä halvaa uskoa ihmisistä hyvää”

HAAPARANTA

Pansuunilla oleva poliisi Ola Backe oli toissa keskiviikkona kuttuttu Haaparannan pansunääriföreninki SPF:n puhhuun arkipäivän turvasta ja kunka ikkääntyvät parhaiten saattava suojela itteä.

Kolmisenkymmentä SPF:n jäsentä oli lähteny kaupunkintalole kuuntelheen puhetta arkipäivän turvasta. Se oon asia, joka SPF:n puhheenjohtaja Lisa Lindgrenin mielestä oon vallan aijankohtanen ko aattelee ikkääntyvvä ryhmää, joka oon joutunu lissääntyvän vaaran kohtheeksi.

Polisi ilmoittaa tuon tuostaki luntreijarista, jotka menevä ikkääntyvien ihmisten tykö ja sanova olevansa jopa polisia, kotipalveluväkeä ja sähkömiehiä ja kukanmyyjiä – maholistaaksheen pääsyn sisäle varasthaan.

Luutalukku otettu käytöstä

Äsken pansuunile jääny, Ola Backe, joka oon 45 vuotta ollu polisin hommissa, selitti missä enniin osa vaaroista piilee ja kunka parhaiten saattaa välttää vaaraa.

Paikat ja tilasuet, joita se mainitti erityisesti vaaraliseksi, oon muun rinnala pankkomatit, pankot ja puojit.

Mutta se varotti kans telefooni- ja taattorikoijarista ja vieläpä itenttiteetintekijöistä.

– Ei tartte puhua telefoonimyyjien kans eikä muitten, joita ei tunne, ole ko panna lyyrin pääle. Eikä auasta meiliä, jotka tuntuva kummilta, sano Backe ja kehotti kaikkia olheen erityisesti varovaisia anthaan henkilö- ja pankkotietoja.

Tirkkireikä ja leki

Muita neuvoja: älä piä paljon rahhaa kotona, piä ulko-ovi lukussa, hommaa tirkkireikä ja turvavilja ulko-ovheen, pane turvavilja kiini ennenkö aukaset, älä päästä outoja ihmisiä sisäle ja vaai lekitimasuuni tunte mattomilta.

– Sitä halvaa uskoa hyvää ihmisistä, mutta kaikin ei ole hyviä. Jos joku soittaa ovea ja sannoo, ette se aikoo tehdä jonku instalasuuni niin

sano, ette sie soitat ja tarkistat, ja kaske niitten oottaa ulkopuolela. Jos niila oon pahat aikomukset net kylla katoavva, se sano ja varotti tuntemattomista, jotka tuleva tahthoon klasin vetta.

Ilmineeraavat kukat

Sen mielesta monet varkhaat oon kalmia ja tutkiva ensin paikan ennen hyökkaysta.

– Jos asunon ulkopuolela oon potkupyora, klasissa pelarkuunia ja raatiukanava oon P1:lla, niin se ilmineeraa, ette asunossa assuu ikkaentyvia ihmisia, sano Backe, joka kans propakeerasi hyvia suhteita kranhiin.

– Jos reisa poijes hyva kranniyhtheistyo oon parempi ko hallyytykset, lukut ja muut. Taho krannin othaan postin sisale, kastelheen kukkia, viehmaan ja nouthaan roskatynnyrin ja niin poijes pain, Ola Backe neuvo.

Lisa Lindgren passasi kans puhhuun SPF:n tulevan opintokerhon puolesta, ”Ala freistaa minua luntreijata”, joka antaa lissa tietoa siitta kunka sita ikkaentyvana saattaa suojata ittea kojauksilta.

MEKI Vardagstrygghet ny Pirita Jaako, 2016-04-25 16.58

Sidan 1 av 2

Bild: Vardagstrygghet 20160420_13-32-27ES kopia.jpg 153

Eva Spiik, namn

FI_Pansuunilla oleva polisi Ola Backe kehotti SPF-pansunaaria, ettei paasta tuntemattomia ihmisia sisale, ja olheen varovaisia it-tietojen antamisessa.

Bild: Vardagstrygghet20160420_13-48-11ES.jpg 186

Eva Spiik, namn

FI Ikkaentyvista ihmisista oon tullu vaaranalanen vakiryhma varkhaitten ja luntreijaritten takia. Ja potkupyora taikka rylattori kotipaikan ulkopuolela oon selva ilmineerinki siitta, ette asunossa assuu ikkaentyva ihminen.

MEKI Vardagstrygghet ny Pirita Jaako, 2016-04-25 16.58

Sidan

Meankielennos: Bengt Pohjanen

EKALE: Polisipansunaari varotti muita pansunaaria